

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Johannis Segeri Weidenfeld De Secretis Adeptorum Sive  
Usu Spiritus Vini Lulliani Libri IV**

**Weidenfeld, Johann S.**

**Londini, 1684**

VII. Menstrua Veg. composita ex Menstruis Vegetalibus simplicibus

[urn:nbn:de:bsz:31-96282](#)

## VII. GENUS.

*Menstrua vegetabilia composita ex menstruis prædictis simplicibus.*

38. Circulatum majus Guidonis,  
Pag. 4. *Tauri. Chym.*

R. **S**piritus vini ( *phlegmias sex, salis vini (eiusdem)* ) uncias quatuor, vaso optimè clauso destilla spiritum in balneo, quem reaſſunde ſuper ſal vini, iterumque destilla, idque fieri debet duodecies. Tum digere per mensem in baſeo rorido; facta putrefactione exime, & destilla ex cucurbita, & alembico bicipiti ſive duorum roſtrorum, in balneo, & ſpiritus vini ascendet per roſtrum ſuperius in ſuum recipiens, phlegma vero per inferius in ſuum vas. Exime ſal vini, cui affunde medietatem ſpiritus vini, & destilla ex retorta in alteram vini partem, destilla adhuc ſemel deſuper reſiduum, & ſal omne ascendet in menstruum fortius. Quod ſi deſideres debilius, adde ſpiritus vini uncias ſex ( alias, ) at ſi velis debiliſſimum affunde maiorem quantitatē ſpiritus, verum juxta prædictum pondus, noſtrum fit menstruum vegetabile magnum vel circulatum majus.

## Annotationes.

**H**ec genus de menstruis vegetabilibus simplicibus; ſequuntur nunc queæ composita dicuntur, non quaſi pluribus componantur ingredientibus, ſed quod simplicibus ſint fortiora, tam in ſuis diſolvendi quam tingendi qualitatibus. Menſtrua bujuſ generis non diſerunt a prioribus in materia, nec in præparandi methodo, ſed pondere tantum, eò fortiora enim fiunt menſtrua, quo-

majorem addideris ariditatem unctuoso Vini phil. spiritui. Guido suum circulatum minus confecerat ex salis vini parte una & spiritu vini partibus quatuor; Circulatum vero majus componit ex salis vini partibus duabus, & spiritu vini partibus tribus. Quò major salis quantitas sumitur, eo fortius sit circulatum. Circulata minora extrahunt rerum essentias sive tinturas; at circulata majora dissolvunt corpus totum in magisterium, quemadmodum apparebit libro secundo.

Menstrua vegetabilia composita sunt etiam, si menstrua vegetabilia simplicia sumantur, loco spiritu vini phil. in omnium illorum descriptionibus. Ita sit

### 39. Menstruum acutum Guidonis, Pag. 8. Thesauri. Chym.

R. **M**enstrui vegetabilis (circulati minoris sub No. 36. descripti) libram unam, salis armoniaci (communis) uncias duodecim, destilla per retortam primò leni igne, deinde fortiori, & sal armoniacum pro parte ascendet, reaſſunde, & destilla adhuc semel. Tum iterum adde uncias duodecim novi salis armoniaci, destilla fortiter ex cineribus, reaſſunde & cohoba adhuc bis, & habebis menstruum nostrum acutum.

Sal armoniacum vini phil. spiritu redactum in liquidam substantiam, menstruum est quarti generis, at idem sal cum circulato minore Guidonis destillatum, menstruum fit non simplex, sed compositum, eoque præstantius, ob tantam novi salis armoniaci quantitatem additam. Parisinus in tertio menstruorum genere spiritum Vini phil. acuit melle crudo; quo modo fit menstruum simplex hujus generis, fit autem compositum, si sali suo fixo permisceatur, & destilletur per alembicum.

### 40. Cœlum majus Parisini, In Apertorio.

R. **B**. Id est vinum rubeum putrefactum, ut scis, pone in cucurbita vitrea cum suo alembico & recipiente bene

litatis, & pone in balneo, in quo sit tantum aquæ, ut supernaturæ dictam lunaram per cuos digitos, & distilla leniter, & prout videbis apparere venas in alembico, continua destillationem quamdiu apparuerint, & venæ haec erunt instar lachrymarum clare ad modum cristalli, & cum venerit mors (*phlegma*) qui occidit spiritum, dictæ venæ vel lachrymæ cessabunt & apparebunt rotundæ, ut perlæ. Tum temporis remove recipiens, quod claude, ne evaporet spiritus, & repone in loco frigido. Et ita separasti ejus animam (*spiritum*) quamvis sui mortis parum adhuc in se contineat, & hoc modo continuabis destillationem (*mutato jam recipiente*) donec omne ascenderit phlegma odoriferum, & materia remaneat instar picis susæ, nigræ & crassæ, quam ne nimium exsicces observa, sed usque ad signa dicta tantum. Et ita habebis duo fermenta ex nostro B. Cave alicui reveles hanc practicam quam tibi communicamus sub periculo tuæ animæ. Quia fores causa multi mali in hoc mundo, perpetrandi à filiis iniquitatis. Proprièa repone eam in manibus Dei omnipotentis, qui scit voluntatem eorum, qui vivunt juxta suam voluntatem & triumphans Evangelium, & pro hujus gloria extraxisti formam ex B. & eodem modo extrahere potes ab omnibus individuis animalibus & vegetabilibus. *Cap. secundum significatum per C. R.* Ejus animam (*spiritum*) reservatum in loco frigido, & distilla in Balneo ejus medietatem, vel usque venæ pretiosæ ascendere desinant, rectifica adhuc bis, observatis iisdem regulis, sed tertiâ & quartâ vice; quamprimum appareant venæ, cessa distillare, & tenta num comburat linteum; quod si non, repetatur destillatio, donec id faciat. Postea cohoba per se quater vel sexies in balneo. Et ita habes modum idoneum rectificandi dictam materiam vel animam (*spiritum*) quæ est tantæ virtutis, ut nulla lingua exprimi queat, vel recitare secreta, quæ Deus aeternus ipsi concederit. Ut cùm essemus Vnetiis, urbe famosa, ambò vidimus ejus quædam experimenta. Et ita serva eam bene in loco frigido.

*Cap. tertium significatum per D. D.* Declaratâ jam methodo rectificandi & separandi spiritum ardenter nostrum à sua morte, ejus virtutem & potentiam depravante. Nunc scias, ipsum non habere potentiam dissolvendi duo luminaria, & reducendi ea in actum, nisi prius aquatur, ut tibi dicam; Etiam-

Si præparatio hæc docenda sit in generalibus *in cap. F.* nihil  
ominus, ne ullum tempus amittas, quamprimum rectificave-  
ris spiritum tuum ardente dictum aliás primum florem,  
mallem ut ipsum protinus poneres in practicam: Quidam in hoc  
capite significavimus duplii hac litera D D. quarum una in-  
dicat ejus acutionem, altera suum regium acuens, id est,  
sali è melle extractum, eo modo quem tibi sèpius monstravi-  
mus, hoc est, cum pretiosissima sua aqua (*mellis sive menstruo  
in genere tertio sub No. 10. descripto.*) Et licet aqua hæc satis  
sit bona, attamen aqua hæc acuata suo pretiosissimo sale, de  
quo eris certior, tibi recompensabit tuum laborem, largitér-  
que te sustentabit, usque dum attingas finem tui laboris, me-  
dicinam magnam. Nunc ad propositum.

R. Mel apium juvenum, album, pone in putrefactione in  
cucurbitis magnis cum suis alembicis in balneo, & fac, ut quo-  
tidiè bulliat per horam; reliquum temporis maneat in calore  
temperato, & hoc facies per spatiū quindecim dierum natu-  
ralium. Tum affunde tantum C, ut supernatet quatuor digitorum  
latitudine, claudendo alembicis cæcis, & ponendo in putre-  
factione per tres dies naturales. Tum appone alembica cum  
suis recipientibus & juncturis bene lutatis destilla ex balneo,  
& cum ex octo partibus septem fuerint destillatæ, vel (*quod si-  
gnum est certius*) cum videris ascendere lachrymas rotundas vel  
guttas, depone recipientia, quæ optimè clausa, ne aliquid evapo-  
ret, reserva in loco frigido, pro sui acutione; postea continua de-  
stillationes eodem caloris gradu, usque nihil ascendet amplius,  
verum si necessitas requirat ut augeatur ignis, cave ne fiat ni-  
miùm, & cum nihil ascenderit dicto regimine, remove etiam  
hæc recipientia, & serva ea, quia continent aquam secundam  
sive phlegma pro extractione pretiosissimi salis. Jam pone  
materiam tuam in cineribus, & destilla calore tertii gradus,  
destillato oleo, sine ut frigescat materia, quam tritam rever-  
bera in patina fætili in reverberatorio per octo dies, vel us-  
que quo satis fuerit calcinata, signum erit, quando eam in-  
venieris coloris cineritii. Tum affunde de phlegmate reservato  
tantum, ut cooperiatur per duorum digitorum latitudinem;  
vase clauso alembico cæco, servetur in balneo per duos vel  
tres dies, decanta liquorem, & novo affuso phlegmate repe-  
tatur toties, donec extraxeris omne sal, quod excellat nivem

in

in albedine. Et hoc est sal istud, quo acuimus nostrum C. simplex ( spiritum ardentem pro menstruo quinti generis ) hoc est, quod ambobus luminaribus dat principium vegetationis, reducens ea in naturam quintæ Essentia. Et eodem etiam acuere potes & augmentare propriam suam aquam ( mellis sive menstruum tertii generis ) quæ potentiam habet vegetandi omnia mineralia. Hoc solo te supportabis in tuis necessitatibus. Adeò, fili, ut oporteat agere gratias potentiae absolutæ. Cave, ne alicui reveles tam magnum secretum, nam istud jam declaravimus tam planè, ut impossibile sit ulterius aliquid addere. Nunc recipe decantationes tuas, quas abstrahē in balneo, ut renaneat sal albissimum, quod dissolves, filtrabis, & congelabis ter, & erit idoneum pro omnibus tuis operationibus. Jam descendamus ad practicam acutionis.

Rx. Salis prædicti unciam unam, cui bene pulverisato affunde partes quatuor C. D. id est, spiritus primi ( ardantis, sed quia hoc spiritu fieret menstruum quinti, & non hujus generis, ideo accipiatur C. melle acutum, sive Cœlum mellifluum Parisiui, menstruum tertii generis. ) Alembico cæco & juncturis optimè clausis putrefac per duos dies naturales, tum alembico & recipiente appositis destilla in cineribus. Finirà destillatione sumas pondus salis remanentis in retorta, cui adde quadruplum C. putrefaciendo & destillando in cineribus, ut suprà, & magisterium iterabis toties, donec sal omne ascendat unâ cum spiritu suo cœlesti, aliâs C. & hoc modo acuabis & multiplicabis juxta placitum. Sed reminiscere partem unam salis requiriere partes quatuor C. ( in hoc loco, cœli mellifluui Parisiui. ) Et scias me tibi non enarrare fabulas, sed valdè distinctè tibi declaro ordinem verae practice, hoc pacto tamen, ut quamprimum eam deduxeris in actum, velis eam omnino occultare, considerando quantâ obscuritate philosophi antiqui sua protulerint, quod tamen non egerunt, nisi ut prohiberent, ne ignorantibus nimium erigerent suas cristi; eadem etiam ratione nos desideramus, ut sicut te sèpè sèpius admonuimus, velis servare secretè & tempore conveniente & loco elaborare pro tecumipso & pauperibus Jesu Christi.

*Cap. quartum significatum per E.* Debebamus reddere gratias insueta bonitati Dei æterni, quod tantâ liberalitate nos docerit modum conficiendi Cœlum nostrum, & capaces reddiderit

diderit gratiae tam admirabilis & inestimabilis. Certum est, quum prima vice absolvistem secretissimam hanc scientiam, & vidissim veram transmutationem, attonitus quasi fui, & sèpè elevando oculos meos in Cœlum, prostratus fui in terram agendo gratias Deo omnipotenti. Nunc ad propositum.

R. Vitrum magnum tantæ capacitatis, cuiusmodi unum tibi monstraveram Murarii, in quod pone istius menstrui libras duas vel tres, claude optimè, & circula in balneo vel fuso equino, sed cave ne in fimi mutatione circulatio impediatur, & ita circuletur per spatium quadraginta dierum naturalium, & tum invenies materiam tuam claram instar cristalli cum hypostasi in fundo, quæ erit instar serici, quam decanta cautè in aliud vitrum, serva bene clausum in balneo, & habebis menstruum vegetabile simplex ( si fuerit confectum ex spiritu ardente & sale mellis, compositum verò si ex Cælo mellifluo Parisiensi & sale mellis præparatum.) Cœlum nostrum tantæ virtutis est, ut nequeat exprimi, hoc peragimus veram calcinationem & dissolutionem luminarium cum conservatione humidi radicalis. Hoc est, quod reducit tam imperfecta quam perfecta metalla de potentia in æctum. Et quamvis videatur me tibi non delineasse figuram vitri, scio tamen, & reminiscor, me horum quedam reliquiss in ædibus tuis, aliaque plura de cucurbitis nostris, quorum quodlibet bonum est. Gubernabis te ipsum juxta tuam discretionem, quum sufficienter tibi aperuerimus viam veritatis in hoc capite.

### Ex Receptis observamus.

1. Menstrua hujus septimi generis à superioribus simplicibus differre non in materiis, nec conficiendi modis, sed ingredientium ponderibus & usu.

2. Menstrua hæc non tingere dissoluta sua, quod alias menstruum compositorum proprium est. Omnis quidem mercurius vegetabilis suum proprium in suo ventre continet sulphur tingens & sibi & aliis sufficiens, uti libro tertio & præsertim libro quinto demonstrabitur, nihilominus quatenus rebus magis tingentibus non acuatur, dicimus, quemcunque spiritum vini phil. carere tinturâ.

### P VIII. Genus.